



**Broj: 02-50-1-16-33/09  
Sarajevo, 23. 7. 2009.**

**ZAPISNIK  
33. sjednice Doma naroda  
Parlamentarne skupštine Bosne i Hercegovine,  
održane 23. 7. 2009. godine**

Sjednica je počela u 11 sati.

Sjednicom je predsjedavao Ilija Filipović, predsjedavajući Doma naroda Parlamentarne skupštine BiH.

Sjednici je prisustvovalo 15 delegata.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija i sredstava javnog informiranja.

Dom naroda jednoglasno je usvojio sljedeći

**D N E V N I R E D**

1. Odgovori na delegatska pitanja i delegatska pitanja;
2. Usvajanje Zapisnika 32. sjednice Doma naroda;
3. Zahtjev Vijeća ministara BiH za razmatranje Prijedloga zakona o izmjeni i dopuni Okvirnog zakona o visokom obrazovanju u BiH po hitnom postupku, u skladu s članom 122. Poslovnika Doma naroda;
4. Prijedlog zakona o kontroli vanjskotrgovinskog prometa robe i usluga od strateške važnosti za sigurnost BiH sa Izvještajem Zajedničke komisije za odbranu i sigurnost BiH;
5. Prijedlog zakona o javnim nabavkama BiH (drugo čitanje), predlagač: Vijeće ministara BiH;
6. Prijedlog zakona o izmjeni Zakona o ministarstvima i drugim organima uprave BiH (drugo čitanje), predlagač: Vijeće ministara BiH;
7. Prijedlog zakona o zabrani diskriminacije (drugo čitanje), predlagač: Vijeće ministara BiH;
8. Prijedlog zakona o izmjenama i dopunama Zakona o konkurenciji (drugo čitanje), predlagač: Vijeće ministara BiH;
9. Prijedlog zakona o izmjenama i dopunama Zakona o osiguranju depozita u bankama BiH (prvo čitanje), predlagač: Vijeće ministara BiH;
10. Prijedlog zakona o izmjeni Zakona o državnoj himni BiH (prvo čitanje), predlagač: Vijeće ministara BiH;
11. Prijedlog zakona o izmjenama i dopunama Zakona o imunitetu BiH (prvo čitanje), predlagač: Vijeće ministara BiH;
12. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH (prvo čitanje), predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku;
13. Prijedlog zakona o protuminskom djelovanju u BiH (prvo čitanje), predlagač: Vijeće ministara BiH;

14. Prijedlog zakona o izmjenama i dopunama Zakona o plaćama i naknadama u institucijama BiH (prvo čitanje), predlagač: Vijeće ministara BiH;
15. Godišnji izvještaj Visokog sudskog i tužilačkog vijeća BiH za 2008. godinu;
16. Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period od 1. 7. 2008. do 31.12.2008.;
17. Izvještaj revizije učinka o temi: Proces zapošljavanja državnih službenika u institucijama BiH (podnosilac: Ured za reviziju institucija BiH);
18. Izvještaj o radu BHRT-a za 2008. godinu i Upravnog odbora BHRT-a za 2007. i 2008. godinu;
19. Izvještaj o finansijskom poslovanju BHRT-a za 2008. godinu, s pregledom korekcije finansijskih izvještaja BHRT-a za 2007. i 2008. godinu;
20. Imenovanje predsjednika, zamjenika predsjednika i članova Nezavisnog odbora i Odbora za žalbe građana kao nezavisnih tijela policijske strukture BiH (prijedlog: Ad hoc zajedničke komisije za provođenje procedure imenovanja Nezavisnog odbora i Odbora za žalbe građana);
21. Imenovanje člana Upravnog odbora Javnog radio-televizijskog servisa BiH iz srpskog naroda (rang-lista kandidata Regulatorne agencije za komunikacije BiH); s mišljenjem Komisije za vanjsku i trgovinsku politiku, carine, saobraćaj i komunikacije;
22. Prijedlog odluke o dopuni Odluke o imenovanju članova Vijeća nacionalnih manjina BiH (predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku);
23. Specijalni izvještaj Ombudsmena za ljudska prava BiH u vezi sa žalbama žena radi prava na naknade plaća za vrijeme porodiljskog odsustva;
24. Konačan prijedlog autentičnog tumačenja člana 185. stav (1) Zakona o službi u Oružanim snagama BiH („Službeni glasnik BiH“, br. 88/05);
25. Prijedlog odluke o izmjeni Odluke o izboru članova u zajedničke komisije oba doma Parlamentarne skupštine BiH;
26. Prijedlog odluke o izmjeni Odluke o imenovanju članova stalnih komisija Doma naroda Parlamentarne skupštine BiH;
27. Davanje saglasnosti za ratifikaciju Sporazuma o uspostavljanju Regionalne škole za javnu upravu (ReSPA);
28. Davanje saglasnosti za ratifikaciju Dodatnog protokola uz Evropsku konvenciju o uzajamnoj pomoći u krivičnim stvarima;
29. Davanje saglasnosti za ratifikaciju Konvencije o procjeni uticaja na okolinu u prekograničnom kontekstu – Espo (Finska), 25. februara 1991. godine;
30. Davanje saglasnosti za ratifikaciju Konvencije o sprečavanju većih industrijskih nezgoda, br. 174. iz 1993. godine, i Preporuka o sprečavanju većih industrijskih nezgoda, br. 181. iz 1993. godine, Međunarodne organizacije rada;
31. Davanje saglasnosti za ratifikaciju Preporuke o otvaranju radnih mjesta u malim i srednjim preduzećima, br. 189. iz 1998. godine, Međunarodne organizacije rada;
32. Davanje saglasnosti za ratifikaciju Preporuke o promoviranju zadruga, br. 193. iz 2002. godine, Međunarodne organizacije rada;
33. Davanje saglasnosti za ratifikaciju Preporuke koja se odnosi na listu profesionalnih oboljenja, br. 194. iz 2002. godine, Međunarodne organizacije rada;
34. Davanje saglasnosti za ratifikaciju Preporuke o razvoju ljudskih potencijala, obrazovanju, osposobljavanju i stalnom usavršavanju, br. 195. iz 2004. godine, Međunarodne organizacije rada;
35. Davanje saglasnosti za ratifikaciju Preporuke koja se tiče radnog odnosa, br. 198. iz 2006. godine, Međunarodne organizacije rada.

## Ad.1. Odgovori na delegatska pitanja i delegatska pitanja

Nije bilo odgovora na delegatska pitanja.

**Delegat Zoran Koprivica** postavio je sljedeće pitanje Ministarstvu finansija i trezora BiH i Upravi za indirektno oporezivanje BiH:

„Je li tačno da roba oduzeta na graničnim prijelazima BiH propada u skladištima Uprave za indirektno oporezivanje, iako njena vrijednost prelazi, po nekim informacijama, iznos od 50 miliona KM?

Koliko je u proteklih pet godina Uprava za indirektno oporezivanje održala aukcija na kojima se prodavala zaplijenjena roba? Radi se o robi oduzetoj u carinsko-prekršajnim postupcima.

Namjerava li se sistemski pristupiti rješavanju ovog pitanja eventualnim donošenjem posebnog zakona?

**Delegat Slobodan Šaraba** postavio je sljedeće pitanje Ministarstvu odbrane BiH:

Kada će ministar odbrane donijeti Pravilnik o pukovima Oružanih snaga BiH?

**Delegat Dušanka Majkić** postavila je sljedeće pitanje predsjedavajućem Vijeća ministara BiH:

1. Šta je Vijeće ministara BiH preduzelo na reguliranju pravnog statusa Službenog lista BiH?
2. Kada će Prijedlog zakona o reguliranju pravnog statusa Službenog lista BiH biti upućen u parlamentarnu proceduru?

Obrazloženje:

Dom naroda Parlamentarne skupštine BiH na svojoj 21. sjednici održanoj 17.09.2008. godine usvojio je Inicijativu za regulisanje pravnog statusa „Službenog lista BiH“. U okviru te Inicijative usvojena su i tri sljedeća zaključka:

1. Dom naroda zadužuje Vijeće ministara BiH da, u roku od 60 dana, izradi i u parlamentarnu proceduru uputi Prijedlog zakona kojim bi se konačno riješio pravni status Službenog lista BiH.
2. Dom naroda traži od Vijeća ministara BiH da Službeni list BiH organizira kao novu instituciju BiH, koja će se finansirati iz budžeta BiH, a sav ostvareni prihod ove institucije da ide u korist budžeta BiH.
3. Dom naroda traži od Ureda za reviziju institucija BiH da izvrši reviziju Službenog lista BiH za 2007. godinu.

Kako je u međuvremenu prošlo više od 10 mjeseci od pokretanja navedene inicijative, molim odgovor na postavljeno pitanje.

## Ad. 2. Usvajanje Zapisnika 32. sjednice Doma naroda

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Zapisnik 32. sjednice Doma naroda.

**Ad. 3. Zahtjev Vijeća ministara BiH za razmatranje Prijedloga zakona o izmjeni i dopuni Okvirnog zakona o visokom obrazovanju u BiH po hitnom postupku, u skladu s članom 122. Poslovnika Doma naroda**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s 13 glasova „za“ i jednim „suzdržanim“ glasom, usvojio da se Prijedlog zakona o izmjeni i dopuni Okvirnog zakona o visokom obrazovanju u BiH razmatra po hitnom postupku, nakon čega je Zakon o izmjeni i dopuni Okvirnog zakona o visokom obrazovanju u BiH jednoglasno usvojen.

**Ad.4. Prijedlog zakona o kontroli vanjskotrgovinskog prometa robe i usluga od strateške važnosti za sigurnost BiH sa Izvještajem Zajedničke komisije za odbranu i sigurnost BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Branko Zrno, Dušanka Majkić, Hazim Rančić i Božo Rajić.

Dom naroda jednoglasno nije usvojio negativan izvještaj Zajedničke komisije, pa je samim tim Prijedlog zakona o kontroli vanjskotrgovinskog prometa robe i usluga od strateške važnosti za sigurnost BiH vraćen Zajedničkoj komisiji za odbranu i sigurnost BiH.

**Ad. 5. Prijedlog zakona o javnim nabavkama BiH (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Dušanka Majkić i Hazim Rančić.

S obzirom da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti). Potom je u drugom krugu glasanja, s 10 glasova „za“ iz Federacije BiH i pet glasova „protiv“ iz Republike Srpske, Prijedlog zakona o **javnim nabavkama odbijen.**

**Ad. 6. Prijedlog zakona o izmjeni Zakona o ministarstvima i drugim organima uprave BiH (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Ivo Miro Jović.

Dom naroda jednoglasno je usvojio Zakon o izmjeni Zakona o ministarstvima i drugim organima uprave BiH u identičnom tekstu kao na Predstavničkom domu uz pravno-tehničke ispravke.

**Ad.7. Prijedlog zakona o zabrani diskriminacije (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Adem Ibrahimpašić.

Dom naroda jednoglasno je usvojio Amandman delegata Adema Ibrahimpašića, nakon čega je Zakon o zabrani diskriminacije jednoglasno usvojen, u identičnom tekstu kao na Predstavničkom domu.

**Ad.8. Prijedlog zakona o izmjenama i dopunama Zakona o konkurenciji (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Zakon o izmjenama i dopunama Zakona o konkurenciji u drugom čitanju sa sljedećim amandmanima:

**Amandman I.**

U članu 7. Prijedloga zakona unose se sljedeće dopune:

- u članu 11. Zakona o konkurenciji u stavu (3), koji ovim izmjenama postaje stav (2), iza riječi: „smatra se da“ dodaje se riječ „se“;
- u članu 11. Zakona o konkurenciji u stavu (4), koji ovim izmjenama postaje stav (3), iza riječi: „ne zloupotrijebi“ riječ „se“ briše se.

**Amandman II.**

Iza člana 13. Prijedloga zakona dodaje se novi člana 14., koji glasi:

U članu 22. Zakona o konkurenciji stav (4) mijenja se i glasi:

„Vijeće ministara Bosne i Hercegovine, na prijedlog Ministarstva vanjske trgovine i ekonomskih odnosa i/ili na svoj prijedlog, imenuje predsjednika Konkurencijskog vijeća, između članova iz svakog konstitutivnog naroda, na mandat od dvije godine, bez prava na ponovni izbor tokom mandata člana Konkurencijskog vijeća.“

**Amandman III.**

Iza novog člana 14. Prijedloga zakona dodaje se novi član 15., koji glasi:

U članu 24. u stavu (1) riječ „pet“ zamjenjuje se riječju „četiri“.

Čl. od 14. do 24. postaju čl. od 16. do 26.

S obzirom da je Zakon usvojen u različitom tekstu u odnosu na tekst usvojen u Predstavničkom domu, Dom naroda osnovao je Komisiju za usaglašavanje teksta Zakona. U Komisiju su iz Doma naroda imenovani: mr. Alma Čolo, Branko Zrno i Slobodan Šaraba.

**Ad. 9. Prijedlog zakona o izmjenama i dopunama Zakona o osiguranju depozita u bankama BiH (prvo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Prijedlog zakona o izmjenama i dopunama Zakona o osiguranju depozita u bankama u prvom čitanju.

**Ad. 10. Prijedlog zakona o izmjeni Zakona o državnoj himni BiH (prvo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: dr. Hilmo Neimarlija, Slobodan Šaraba, Ivo Miro Jović, Branko Zrno, dr. Božo Ljubić, Dušanka Majkić, mr. Alma Čolo, Božo Rajić, dr. Mladen Ivanić i Adem Ibrahimpašić.

S obzirom da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti). Potom je u drugom krugu glasanja, s 10 glasova „za“ iz Federacije BiH i pet glasa „protiv“ iz Republike Srpske, Prijedlog zakona o izmjeni Zakona o državnoj himni BiH odbijen.

**Ad. 11. Prijedlog zakona o izmjenama i dopunama Zakona o imunitetu BiH (prvo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Prijedlog zakona o izmjenama i dopunama Zakona o imunitetu BiH u prvom čitanju.

**Ad. 12. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH (prvo čitanje), predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali dr. Božo Ljubić i mr. Alma Čolo.

Dom naroda jednoglasno je usvojio Prijedlog zakona o izmjenama i dopunama Zakona o osnovama sigurnosti saobraćaja na putevima u BiH u prvom čitanju, sa sljedećim zaključkom:

„S obzirom da Predstavnički dom Parlamentarne skupštine BiH još nije završio proceduru usvajanja Prijedloga zakona o izmjenama i dopunama Zakona o osnovama sigurnosti saobraćaja na putevima u BiH, te da počinju godišnji odmori, produžava se amandmanska faza za ovaj prijedlog zakona do 48 sati prije održavanja sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH na kojoj će biti razmatran“.

**Ad. 13. Prijedlog zakona o protuminskom djelovanju u BiH (prvo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Hazim Rančić, Slobodan Šaraba, Ivo Miro Jović i predstavnik predlagača ministar civilnih poslova BiH Sredoje Nović.

Dom naroda je, s 11 glasova „za“ i jednim glasom „protiv“, usvojio Prijedlog zakona o protuminskom djelovanju u Bosni i Hercegovini u prvom čitanju.

**Ad. 14. Prijedlog zakona o izmjenama i dopunama Zakona o plaćama i naknadama u institucijama BiH (prvo čitanje), predlažać: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovala Dušanka Majkić.

Dom naroda jednoglasno je usvojio Prijedlog zakona o izmjenama i dopunama Zakona o plaćama i naknadama u institucijama BiH u prvom čitanju.

**Ad. 15. Godišnji izvještaj Visokog sudskog i tužilačkog vijeća BiH za 2008. godinu**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Slobodan Šaraba, mr. Alma Čolo, Dušanka Majkić, Ivo Miro Jović, Hazim Rančić, Drago Ljubičić, Zoran Koprivica, dr. Hilmo Neimarlija, Božo Rajić, predsjednik Visokog sudskog i tužilačkog vijeća BiH Milorad Novković.

S obzirom da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti). Potom u drugom krugu glasanja, s 10 glasova „za“ iz Federacije BiH, četiri glasa „protiv“ i jednim „suzdržanim“ glasom iz Republike Srpske, Dom naroda nije primio k znanju godišnji izvještaj Visokog sudskog i tužilačkog vijeća BiH za 2008. godinu.

**Ad. 16. Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period od 1. 7. 2008. do 31.12.2008.**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Branko Zrno.

Dom naroda jednoglasno je usvojio Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period od 1. 7. 2008. do 31. 12. 2008., sa Mišljenjem Zajedničke komisije za odbranu i sigurnost BiH.

**Ad.17. Izvještaj revizije učinka o temi: Proces zapošljavanja državnih službenika u institucijama BiH (podnosilac: Ured za reviziju institucija BiH)**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, dr. Božo Ljubić, Ivo Miro Jović i zamjenik generalnog revizora Božana Trninić.

Dom naroda jednoglasno je usvojio Izvještaj revizije učinka o temi: Proces zapošljavanja državnih službenika u institucijama BiH, sa sljedećim zaključkom:

„Dom naroda traži od Vijeća ministara BiH da razmotri predložene mjere iz Izvještaja revizije učinka- Proces zapošljavanja državnih službenika u institucijama BiH- i predloži konkretna rješenja za poboljšanje uspješnosti i efikasnosti procesa zapošljavanja državnih službenika, uključujući njihovu stručnost i sposobnost za rad u institucijama BiH, i o tome obavijesti Dom naroda u roku od tri mjeseca od dana prijema ovog zaključka“.

**Ad.18. Izvještaj o radu BHRT-a za 2008. godinu i Upravnog odbora BHRT-a za 2007. i 2008. godinu**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali mr. Alma Čolo i Dušanka Majkić.

Dom naroda jednoglasno je primio k znanju Izvještaj o radu Upravnog odbora Radio-televizije BiH (BHRT) za 2007. i 2008. godinu i jednoglasno usvojio Izvještaj o radu BHRT-a za 2008. godinu.

Dom naroda usvojio je i sljedeći zaključak sa Izvještajem o radu BHRT-a za 2008. godinu.

„Dom naroda Parlamentarne skupštine BiH zadužuje Upravni odbor Radio-televizije BiH da ubrzano nastavi realizirati aktivnosti u provođenju tendera za izbor konsultantskih kuća za izradu strategije konsolidacije BHRT-a, procjenu vrijednosti imovine, izradu računovodstvene politike i izradu revizije marketinškog poslovanja Radio-televizije BiH“.

**Ad.19. Izvještaj o finansijskom poslovanju BHRT-a za 2008. godinu, s pregledom korekcije finansijskih izvještaja BHRT-a za 2007. i 2008. godinu**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Slobodan Šarba, Ivo Miro Jović, Božo Rajić, Adem Ibrahimpašić i dr. Mladen Ivanić.

Dom naroda je, s 11 glasova „za“ i dva „suzdržana glasa“, usvojio zaključak Komisije za finansije i budžet kojim se predlaže da Dom naroda primi k znanju Izvještaj o finansijskom poslovanju BHRT- za 2008. godinu, s korekcijama za 2007. i 2008. godinu, a o njemu će se izjasniti prilikom razmatranja revizorskog izvještaja BHRT-a za 2008. godinu.

**Ad.20. Imenovanje predsjednika, zamjenika predsjednika i članova Nezavisnog odbora i Odbora za žalbe građana kao nezavisnih tijela policijske strukture BiH (prijedlog: Ad hoc zajedničke komisije za provođenje procedure imenovanja Nezavisnog odbora i Odbora za žalbe građana)**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Branko Zrno i dr. Mladen Ivanić.

Dom naroda je, s 12 glasova „za“ i jednim glasom „protiv“, **usvojio prijedlog** Ad hoc zajedničke komisije za provođenje procedure imenovanja Nezavisnog odbora kao nezavisnog tijela policijskih struktura BiH te imenovao sljedeće članove:

1. Žiko Krunić - predsjednik
2. Bakir Dautbašić – prvi zamjenik predsjednika
3. Mato Jozić – drugi zamjenik predsjednika
4. Viktor Dadić
5. Ljubomir Kuravica
6. Enes Obralića
7. Dragan Savić
8. Stanko Nujić
9. Zijo Kadić



Dom naroda je, s 12 glasova „za“ i jednim glasom „protiv“, **usvojio prijedlog** Ad hoc zajedničke komisije za provođenje procedure imenovanja Odbora za žalbe građana kao nezavisnih tijela policijske strukture BiH te imenovao sljedeće članove:

1. Mate Miletić - predsjednik
2. Amela Bašić – prvi zamjenik predsjednika
3. Borislav Radić - drugi zamjenik predsjednika
4. Danica Berić
5. Ermin Pešto
6. Marijan Miličević
7. Hamida Karčić

**Ad.21. Imenovanje člana Upravnog odbora Javnog radio-televizijskog servisa BiH iz srpskog naroda (rang-lista kandidata Regulatorne agencije za komunikacije BiH), s mišljenjem Komisije za vanjsku i trgovinsku politiku, carine, saobraćaj i komunikacije**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: mr. Alma Čolo, Božo Rajić, Dušanka Majkić, Adem Ibrahimpašić, Slobodan Šaraba, dr. Hilmo Neimarlija i dr. Mladen Ivanić.

Dom naroda je, s 10 glasova „za“, **usvojio negativno mišljenje** Komisije za vanjsku i trgovinsku politiku, carine, saobraćaj i komunikacije Doma naroda, te samim **tim nije imenovao člana** Upravnog odbora Javnog radio-televizijskog servisa BiH iz reda srpskog naroda.

**Ad.22. Prijedlog odluke o dopuni Odluke o imenovanju članova Vijeća nacionalnih manjina BiH (predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku)**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Prijedlog odluke o dopuni Odluke o imenovanju Hakana Varana za člana Vijeća nacionalnih manjina BiH iz turske nacionalne manjine.

**Ad.23. Specijalni izvještaj Ombudsmena za ljudska prava BiH u vezi sa žalbama žena radi prava na naknade plaća za vrijeme porodiljskog odsustva**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Zoran Koprivica i Dušanka Majkić.

Budući da Predstavnički dom nije usvojio Specijalni izvještaj Ombudsmena za ljudska prava BiH u vezi sa žalbama žena radi prava na naknade plaća za vrijeme porodiljnog dopusta, Dom naroda nije se izjašnjavao o navedenom Specijalnom izvještaju.

**Ad.24. Konačan prijedlog autentičnog tumačenja člana 185. stav (1) Zakona o službi u Oružanim snagama BiH („Službeni glasnik BiH“, br. 88/05)**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio autentično tumačenje člana 185. stav (1) Zakona o službi u Oružanim snagama BiH.

**Ad.25. Prijedlog odluke o izmjeni Odluke o izboru članova u zajedničke komisije oba doma Parlamentarne skupštine BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je, na mjesto delegata mr. Rude Vidovića, za člana Zajedničke komisije za evropske integracije, Zajedničke komisije za ekonomske reforme i razvoj, Zajedničke komisije za nadzor nad radom Obavještajno-sigurnosne agencije BiH imenovao delegata dr. Božu Ljubića.

**Ad.26. Prijedlog odluke o izmjeni Odluke o imenovanju članova stalnih komisija Doma naroda Parlamentarne skupštine BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je, na mjesto delegata mr. Rude Vidovića, za člana Ustavnopravne komisije i Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH imenovao delegata dr. Božu Ljubića.

Predsjedavajući Doma naroda otvorio je raspravu o ovim tačkama dnevnog reda. Nije bilo delegata prijavljenih za raspravu. Dom naroda jednoglasno je dao saglasnost za ratificiranje:

27. Sporazuma o uspostavljanju Regionalne škole za javnu upravu (ReSPA);
28. Dodatnog protokola uz Evropsku konvenciju o uzajamnoj pomoći u krivičnim stvarima;
29. Konvencije o procjeni okolišnog uticaja u prekograničnom kontekstu – Espo (Finska), 25. februara 1991. godine;
30. Konvencije o sprečavanju većih industrijskih nezgoda, br. 174. iz 1993. godine, i Preporuka o sprečavanju većih industrijskih nezgoda, br. 181. iz 1993. godine, Međunarodne organizacije rada;
31. Preporuke o otvaranju radnih mjesta u malim i srednjim preduzećima, br. 189. iz 1998. godine, Međunarodne organizacije rada;
32. Preporuke o promoviranju zadruga, br. 193. iz 2002. godine, Međunarodne organizacije rada;
33. Preporuke koja se odnosi na listu profesionalnih oboljenja, br. 194. iz 2002. godine, Međunarodne organizacije rada;
34. Preporuke o razvoju ljudskih potencijala, obrazovanju, osposobljavanju i stalnom usavršavanju, br. 195. iz 2004. godine, Međunarodne organizacije rada;
35. Preporuke koja se tiče radnog odnosa, br. 198. iz 2006. godine, Međunarodne organizacije rada.

Sjednica je završena u 17,10 sati.

Sastavni dio ovog zapisnika je neautorizirani transkript 33. sjednice Doma naroda.

**SEKRETAR**  
**DOMA NARODA**  
Marin Vukoja

**PREDSJEDAVAJUĆI**  
**DOMA NARODA**  
Ilija Filipović, dipl. iur.